

SULTAN SELANGOR RASMI BANGUNAN MAHKAMAH BARU DI PETALING JAYA

Tarikh peristiwa : 17-10-1970

Pada hari ini dalam tahun 1970, DYMM Sultan Selangor, Sultan Salahuddin Abdul Aziz Shah Ibni Almarhum Sultan Hishamudin Alam Shah, berkenan merasmikan pembukaan mahkamah baru di Petaling Jaya, Selangor. Turut hadir, Raja Muda Selangor, Duli Yang Teramat Mulia Tengku Idris Shah, Menteri Besar Selangor, Dato' Harun Idris, Peguam Negara Tan Sri Kadir bin Yusof, Ketua Hakim Tun Azmi bin Haji Muhamad, Ketua Pendaftar Mahkamah Tinggi Tuan Haji Mohamad Azmi bin Dato' Haji Kamaruddin serta Majistret-majistret.

Dalam titahnya, Baginda menyeru rakyat menghapuskan perasaan iri hati terhadap kemudahan dan kedudukan hakim-hakim yang diberi oleh perlembagaan dan kerajaan. Rakyat juga diseru untuk bersama-sama memelihara dasar kebebasan kehakiman, selaras dengan prinsip rukun negara yang keempat, Kedaulatan Undang-undang.

Perasmian Mahkamah ini merupakan satu langkah yang tepat terutama dalam usaha membentuk sistem kehakiman yang lebih kemas dan sistematik.

Skrip : Aliza Minai Rajab / Arkib Negara Malaysia